



Broj: 05/8-50-14-485-6/16

Sarajevo, 18.2.2016.

PARLAMENTARNA SKUPŠTINA BiH

- **PREDSTAVNIČKOM DOMU**
- **DOMU NARODA**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 03.03.2016			
Organizaciona jedinica	Klasifikaciona oznaka	Redni broj	Broj priloga

PREDMET: Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH za 2015. godinu


Komisija za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH je na 6. sjednici, održanoj 17. 2. 2016., razmatrala i usvojila Izvještaj o radu ovog nezavisnog tijela PSBiH za 2015. godinu.

U skladu s članom 18. stav (3) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), u prilogu Vam dostavljamo Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu.

S poštovanjem,

Dostavljeno:

- naslovu,
- a/a.



PREDSJEDAVAJUĆA KOMISIJE

Aleksandra Pandurević



IZVJEŠTAJ O RADU

**KOMISIJE ZA IZBOR I PRAĆENJE RADA AGENCIJE ZA PREVENCIJU
KORUPCIJE I KOORDINACIJU BORBE PROTIV KORUPCIJE
PARLAMENTARNE SKUPŠTINE BiH**

ZA 2015. GODINU

SADRŽAJ

POGLAVLJE I. - UVOD	3
POGLAVLJE II. - IZVJEŠTAJ O AKTIVNOSTIMA KOMISIJE	4
Odjeljak A. - Sjednice Komisije	4
Odjeljak B. - Razmatranje Izvještaja o radu Agencije za prevenciju korupcije i koordinaciju borbe protiv korupcije	6
Odjeljak C. - Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2104. godinu	7
Odjeljak D. - Ostale aktivnosti koje proizlaze iz odredbi Zakona o Agenciji za prevenciju korupcije i koordinaciju borbe protiv korupcije	7
Odjeljak E. - Druge aktivnosti Komisije	8
POGLAVLJE III. - REZIME	10
POGLAVLJE IV. - PRILOZI	12

U skladu s čl. 9. i 10. Uputstva o metodologiji izrade izvještaja o radu komisija Parlamentarne skupštine Bosne i Hercegovine, Komisija za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH na 6. sjednici, održanoj 17. 2. 2016. godine, usvojila je

IZVJEŠTAJ O RADU KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE PARLAMENTARNE SKUPŠTINE BIH ZA 2015. GODINU

POGLAVLJE I. - UVOD

Komisija za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) je nezavisno tijelo Parlamentarne skupštine Bosne i Hercegovine s nadležnostima utvrđenim Zakonom o Agenciji za prevenciju korupcije i koordinaciju borbe protiv korupcije (u daljnjem tekstu: Zakon) i Poslovnikom o radu Komisije.

Komisija broji devet članova, od čega tri predstavnika dolaze iz Predstavničkog doma Parlamentarne skupštine BiH, tri predstavnika iz Doma naroda Parlamentarne skupštine BiH, dva predstavnika akademske zajednice i jednog predstavnika nevladinog sektora.

U mandatnom periodu 2014. - 2018. Komisiju čine:

1. Aleksandra Pandurević, predsjedavajuća,
2. Bariša Čolak, prvi zamjenik predsjedavajuće,
3. Darko Babalj, član,
4. Borjana Krišto, članica,
5. Halid Genjac, član,
6. Hanka Vajzović, članica,
7. prof. dr. Milenko Obad,
8. prof. dr. Ivanka Marković, članica, i
9. Anes Ličina, član.

Komisiju imenuje i razrješava Parlamentarna skupština BiH.

Mandat tri predstavnika iz Predstavničkog doma i tri predstavnika iz Doma naroda Parlamentarne skupštine BiH imenovana u Komisiju traje koliko i mandat saziva Parlamentarne skupštine BiH.

Mandat dva predstavnika akademske zajednice i jednog predstavnika nevladinog sektora traje četiri godine od dana imenovanja u Parlamentarnoj skupštini BiH.

Stručnu i administrativno-tehničku podršku Komisiji za izbor i praćenje rada Agencije za prevenciju korupcije i koordinaciju borbe protiv korupcije pruža Sekretarijat Parlamentarne skupštine BiH.

U skladu s članom 18. Zakona, Komisija ima sljedeće nadležnosti:

- a) prati rad Agencije;
- b) pokreće postupak imenovanja direktora i zamjenika direktora Agencije u skladu sa Zakonom;
- c) pokreće postupak razrješenja direktora i zamjenika direktora Agencije u skladu s članom 15. Zakona;
- d) razmatra izvještaje o radu Agencije najmanje dva puta godišnje ili po potrebi;
- e) razmatra izvještaje o reviziji finansijskog poslovanja Agencije.

POGLAVLJE II. - IZVJEŠTAJ O AKTIVNOSTIMA KOMISIJE

Odjeljak A. - Sjednice Komisije

U izvještajnom periodu održano je pet sjednica Komisije, kako slijedi:

- konstituirajuća sjednica Komisije - održana 7.4.2015. godine,
- 2. sjednica Komisije - održana 13.7.2015. godine,
- 3. sjednica Komisije - održana 23.7.2015. godine,
- 4. sjednica Komisije - održana 14.9.2015. godine i
- 5. sjednica Komisije - održana 26.11.2015. godine.

Na navedenim sjednicama razmatrano je ukupno 29 tačaka dnevnog reda ili prosječno šest tačaka po sjednici.

Osim verifikacije zapisnika konstituirajuće, 2., 3. i 4. sjednice Komisije, na sjednicama su razmatrani i:

- Izvještaj o radu Agencije za prevenciju korupcije i koordinaciju borbe protiv korupcije za 2014. godinu (sačinilac: Agencija za prevenciju korupcije i koordinaciju borbe protiv korupcije),
- Izvještaj o radu Agencije za prevenciju korupcije i koordinaciju borbe protiv korupcije za period 1.1. - 30.9.2015. godine (sačinilac: Agencija za prevenciju korupcije i koordinaciju borbe protiv korupcije),
- Programa rada Agencije za prevenciju korupcije i koordinaciju borbe protiv korupcije za 2016. godinu (sačinilac: Agencija za prevenciju korupcije i koordinaciju borbe protiv korupcije),

- Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2014. godinu (sačinilac: Ured za reviziju institucija BiH),
- Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Prijedlog Poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Informacija o provedenim aktivnostima na izradi Nacrta strategije za borbu protiv korupcije 2015. - 2019. i pratećeg akcionog plana (sačinilac: Agencija za prevenciju korupcije i koordinaciju borbe protiv korupcije),
- Informacija o procesu koordinacije i donošenja planova borbe protiv korupcije u institucijama BiH (sačinilac: Agencija za prevenciju korupcije i koordinaciju borbe protiv korupcije),
- Informacija o procesu prevencije korupcije i donošenja planova integriteta u institucijama BiH (sačinilac: Agencija za prevenciju korupcije i koordinaciju borbe protiv korupcije),
- Izvještaj o provođenju Zakona o zaštiti lica koja prijavljuju korupciju u institucijama Bosne i Hercegovine (sačinilac: Agencija za prevenciju korupcije i koordinaciju borbe protiv korupcije),
- Informacija o trenutnom statusu aktivnosti u pogledu provođenja preporuka GRECO-a u Bosni i Hercegovini (sačinilac: Agencija za prevenciju korupcije i koordinaciju borbe protiv korupcije),
- Informacija o postupanju Agencije za prevenciju korupcije i koordinaciju borbe protiv korupcije u vezi sa Zakonom o izmjenama i dopunama Zakona o sukobu interesa u institucijama vlasti Bosne i Hercegovine (sačinilac: Agencija za prevenciju korupcije i koordinaciju borbe protiv korupcije),
- Razgovor s ovlaštenim predstavnicima Vijeća ministara BiH o pitanju rješavanja problema trajnog smještaja Agencije za prevenciju korupcije i koordinaciju borbe protiv korupcije,
- Informacija o aktuelnom stanju aktivnosti po pitanju donošenja planova integriteta (sačinilac: Agencija za prevenciju korupcije i koordinaciju borbe protiv korupcije),
- Informacija o učešću na Međunarodnoj konferenciji „Transparentnost i odgovornost za djelotvoran nadzor: uloga parlamenta“ (sačinilac: član Komisije za izbor i praćenje rada Agencije za prevenciju korupcije i koordinaciju borbe protiv korupcije Darko Babalj),
- Prijedlog poziva Uredu za reviziju institucija BiH na zaključivanje Memoranduma o saradnji ovog ureda s Agencijom za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije).

Svaka sjednica je, u skladu s odredbama Poslovnika o radu Komisije, imala neophodni kvorum za rad i odlučivanje, koji podrazumijeva prisustvo pet od devet članova sjednici Komisije.

Predsjedavajuća Komisije Aleksandra Pandurević, te članovi Komisije Halid Genjac i Milenko Obad, prisustvovali su svim sjednicama Komisije održanih tokom izvještajnog perioda, dok su zamjenik predsjedavajuće Bariša Čolak, kao i članovi Komisije Hanka Vajzović, Darko Babalj i Borjana Krišto pravdali svoje odsustvo s jedne ili više sjednica Komisije.

Detaljniji prikaz održanih sjednica i razmatranih tačaka dnevnog reda, kao i prisustva članova Komisije na sjednicama dat je u tabelama 1. i 2. priloga ovog izvještaja.

Odjeljak B. - Razmatranje Izvještaja o radu Agencije za prevenciju korupcije i koordinaciju borbe protiv korupcije

U skladu s nadležnostima propisanim članom 18. stav 1. tačka d) Zakona, Komisija je tokom izvještajnog perioda na svojim sjednicama u dva navrata razmatrala izvještaje o radu Agencije za prevenciju korupcije i koordinaciju borbe protiv korupcije.

Izvještaj o radu Agencije za prevenciju korupcije i koordinaciju borbe protiv korupcije za 2014. godinu Komisija je razmatrala na 3. sjednici, održanoj 23.7.2015. U raspravi o problematici smještaja Agencije, koja je vođena u okviru rasprave o ovom izvještaju, usvojen je zaključak kojim je predloženo da Komisija uputi predsjedavajućem Vijeća ministara BiH dopis u kojem će konstatirati da ovo nezavisno tijelo Parlamentarne skupštine BiH smatra da je Odluka o raspodjeli kancelarijskog prostora u zgradi za smještaj institucija BiH u Istočnom Sarajevu, kao rješenje pitanja trajnog smještaja Agencije za prevenciju korupcije i koordinaciju borbe protiv korupcije, neadekvatna, potpuno neprimjerena, te da ne omogućava rad jedne od najznačajnijih agencija u Bosni i Hercegovini, diskreditirajući njenu ulogu, a što će u budućem periodu proizvesti dodatni niz problema u funkcioniranju ove agencije. Kako bi ustanovila ključne razloge za donošenje ovakve odluke, Komisija je odlučila pozvati ovlaštene predstavnike Vijeća ministara BiH i Službe za zajedničke poslove institucija BiH da prisustvuju idućoj sjednici ove komisije, s ciljem dobivanja svih relevantnih informacija po pitanju rješavanja problema trajnog smještaja Agencije za prevenciju korupcije i koordinaciju borbe protiv korupcije.

U okviru razmatranja ovog izvještaja usvojen je i zaključak da sekretar Komisije, u saradnji s direktorom Agencije, do naredne sjednice Komisije sačini dopis koji bi Komisija uputila Uredu za reviziju institucija BiH, a kojim bi pozvala predstavnike ovog ureda na sklapanje memoranduma o saradnji između Agencije za prevenciju korupcije i Ureda za reviziju institucija BiH.

Komisija je potom jednoglasno usvojila Izvještaj o radu Agencije za prevenciju korupcije i koordinaciju borbe protiv korupcije za 2014., sa zaključcima sadržanim u njemu i prosljedila ga kolegijima oba doma Parlamentarne skupštine BiH u daljnu proceduru.

Predstavnički dom PSBiH usvojio je Izvještaj o radu Agencije, sa zaključcima sadržanim u njemu, na 16. sjednici, održanoj 27.8.2015., a Dom naroda na 9. sjednici, održanoj 17.9.2015.

Izvještaj o radu Agencije za prevenciju korupcije i koordinaciju borbe protiv korupcije za period 1.1. - 30.9.2015., Komisija je razmatrala na 5. sjednici, održanoj 26.11.2015. Nakon sveobuhvatne rasprave, Komisija je jednoglasno usvojila predloženi izvještaj.

Odjeljak C. - Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2104. godinu

U skladu s članom 18. stav (3) Zakona, sačinjen je *Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2014. godinu*, koji je Komisija razmatrala na 2. sjednici, održanoj 13.7.2015.

Predmetni izvještaj, koji je izrađen u skladu s Uputstvom o metodologiji izrade izvještaja o radu komisija PSBiH, nakon usvajanja na sjednici Komisije dostavljen je u daljnu proceduru domovima PSBiH.

Predstavnički dom PSBiH na 16. sjednici, održanoj 27.8.2015., usvojio je Izvještaj o radu Komisije, uz zaključak da se u Poglavlju III. stav 1. briše, a da dosadašnji st. 2., 3., 4. i 5. postaju st. 1., 2., 3. i 4. Dom naroda PSBiH podržao je Izvještaj o radu Komisije na 9. sjednici, održanoj 17.9.2015.

Odjeljak D. - Ostale aktivnosti koje proizlaze iz odredbi Zakona o Agenciji za prevenciju korupcije i koordinaciju borbe protiv korupcije

Kako je članom 18. stav (1) tačka e) definirano da Komisija u okviru svojih nadležnosti razmatra i izvještaje o reviziji finansijskog poslovanja Agencije, na 4. sjednici, održanoj 14.9.2015., Komisija je usvojila Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2014. godinu, čiji je sačinilac Ured za reviziju institucija BiH.

U skladu s članom 17. b. Zakona, tokom izvještajnog perioda imenovani su i novi članovi Komisije - jedan predstavnik akademske zajednice i jedan predstavnik nevladinog sektora. Nakon procedure koju je provela Privremena zajednička komisija oba doma PSBiH za provođenje procedure imenovanja jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije, Parlamentarna skupština BiH je na 20. sjednici Predstavničkog doma, održanoj 24.11.2015., i na 11. sjednici Doma naroda, održanoj

10.11.2015., donijela Odluku o imenovanju jednog predstavnika akademske zajednice i jednog predstavnika nevladinog sektora u Komisiju. Navedenom odlukom, kao predstavnik akademske zajednice u Komisiji imenovana je prof. dr. Ivanka Marković, dok je kao predstavnik nevladinog sektora imenovan Anes Ličina.

Odjeljak E. - Druge aktivnosti

Rješavajući po ranije dostavljenim dopisima Agencije, Komisija je na 4. sjednici, održanoj 14.9.2015., uz prisustvo čelnih ljudi ove agencije, generalnog sekretara Vijeća ministara BiH, te direktora Službe za zajedničke poslove institucija, raspravljala o pitanju problematike smještaja Agencije za prevenciju korupcije i koordinaciju borbe protiv korupcije. Nakon obavljene sveobuhvatne rasprave, Komisija je usvojila zaključke kojim je od Vijeća ministara BiH zatražila:

- da hitno stavi van snage Odluku o raspodjeli kancelarijskog prostora za smještaj institucija BiH u Istočnom Sarajevu („Službeni glasnik BiH“, broj 17/15, od 2.3.2015.) u dijelu koji se odnosi na Agenciju za prevenciju korupcije i koordinaciju borbe protiv korupcije, te da na adekvatan način riješi pitanje smještaja Agencije za prevenciju korupcije i koordinaciju borbe protiv korupcije, jer dodijeljeni prostor ne odgovara njenim potrebama, te
- da pokrene pitanje odgovornosti nadležnih u Službi za zajedničke poslove institucija BiH zbog propusta učinjenih prilikom nabavke i dodjele prostorija za potrebe rada Agencije za prevenciju korupcije i koordinaciju borbe protiv korupcije u Istočnom Sarajevu.

Osim navedenog, Komisija je kolegijima oba doma PSBiH predložila da u dnevne redove svojih sjednica uvrste i razmatranje Informacije Agencije za prevenciju korupcije i koordinaciju borbe protiv korupcije o problemima s kojima se ova agencija suočila u proteklom periodu prilikom rješavanja pitanja njenog trajnog smještaja u Istočnom Sarajevu, a kako bi se na plenarnim sjednicama domova obavila sveobuhvatna rasprava o ovom pitanju i donijeli adekvatni zaključci.

Navedenu informaciju Predstavnički dom PSBiH razmatrao je na 20. sjednici, održanoj 24.11.2015. Tom prilikom Dom je primio k znanju predmetnu informaciju sa zaključcima koje je predložila Komisija, a zajedno s njima usvojio i zaključak kojim je Vijeću ministara BiH naloženo donošenje odluke da kupljeni prostor u Istočnom Sarajevu površine 407,09 m² u cijelosti dodijeli Agenciji za prevenciju korupcije i koordinaciju borbe protiv korupcije. Dom naroda PSBiH je na 12. sjednici, održanoj 10.12.2015., također, primio k znanju navedenu informaciju, sa zaključcima koje je Domu dostavila Komisija.

U skladu s navedenim zaključkom Predstavničkog doma PSBiH, Vijeće ministara BiH na 39. sjednici donijelo je Odluku o izmjeni Odluke o rasporedu kancelarijskog prostora za smještaj institucija BiH u Istočnom Sarajevu, kojom se poslovni prostor od 407,09 kvadratnih metara u Istočnom Sarajevu, na adresi Dabrobosanska 26-28, kupljen za smještaj institucija

BiH, u cijelosti dodjeljuje Agenciji za prevenciju korupcije i koordinaciju borbe protiv korupcije BiH.

Tokom izvještajnog perioda Komisija je imala stalnu saradnju s rukovodstvom Agencije za prevenciju korupcije i koordinaciju borbe protiv korupcije, čiji su predstavnici bili pozivani i redovno prisustvovali svakoj sjednici Komisije.

Članovi Komisije su, tokom izvještajnog perioda, prisustvovali na nekoliko konferencija i radionica, čiji su organizatori bili predstavnici domaćih institucija, nevladinih organizacija iz BiH, kao i međunarodnih organizacija s programskim aktivnostima u BiH.

Jedna od njih bila je **Konferencija o prezentaciji rada Globalne organizacije parlamentaraca protiv korupcije (GOPAC)**, koja je u organizaciji Razvojnog programa Ujedinjenih naroda (UNDP) u BiH održana 17. aprila 2015. godine u zgradi Parlamentarne skupštine BiH. Na predmetnoj konferenciji u ime Komisije za izbor i praćenje rada Agencije za prevenciju korupcije i koordinaciju borbe protiv korupcije učešće je uzela Hanka Vajzović, članica Komisije, i Jovica Katić, sekretar.

U organizaciji Narodne skupštine Republike Srbije, srbijanskog ogranka Globalne organizacije parlamentaraca za borbu protiv korupcije (GOPAC) i Razvojnog programa Ujedinjenih naroda (UNDP) u Srbiji, te uz podršku Švicarske agencije za razvoj i saradnju (SDC), u Beogradu je 21. i 22. maja 2015. godine održana **Međunarodna konferencija pod nazivom: „Transparentnost i odgovornost za djelotvoran nadzor“**. U radu ove konferencije učestvovali su i predstavnici Komisije za izbor i praćenje rada Agencije za prevenciju korupcije i koordinaciju borbe protiv korupcije Darko Babalj, član, i Jovica Katić, sekretar.

U okviru IV. kruga evaluacije za Bosnu i Hercegovinu, koja obuhvata oblast sprečavanja korupcije u pravosudnom sektoru i parlamentu, **delegacija grupe zemalja Vijeća Evrope protiv korupcije - GRECO** početkom juna posjetila je BiH. Tom prilikom ova delegacija, između ostalih, sastala se i s članovima Komisije za izbor i praćenje rada Agencije za prevenciju korupcije i koordinaciju borbe protiv korupcije Barišom Čolakom, prvim zamjenikom predsjedavajuće Komisije, i Borjanom Krišto, članicom Komisije. Sastanku je prisustvoao i Jovica Katić, sekretar Komisije. Tokom sastanka razgovarano je o realizaciji zadataka iz ranije dostavljenog izvještaja GRECO-a, kao i o nacrtu novog izvještaja, koji u sebi sadrži informacije u vezi s provođenjem preporuka ove institucije o pitanju sprečavanja korupcije u parlamentu.

Konferencija povodom Međunarodnog dana borbe protiv korupcije, koja je u organizaciji Agencije za prevenciju korupcije i koordinaciju borbe protiv korupcije održana u Sarajevu 9.12.2015. U radu navedene konferencije učestvovali su predstavnici institucija vlasti BiH, akademske zajednice, nevladinog sektora i međunarodnih organizacija s programskim aktivnostima u BiH, među kojima i predstavnici Komisije za izbor i praćenje rada Agencije za prevenciju korupcije i koordinaciju borbe protiv korupcije PSBiH: Aleksandra Pandurević, predsjedavajuća Komisije, te Jovica Katić, sekretar Komisije.

Dan ranije, u zgradi PSBiH održana je **4. skupština Antikorupcijske mreže organizacija civilnog društva u BiH - ACCOUNT**, na kojoj su, uz učešće predstavnika institucija vlasti BiH, učestvovali predstavnici Komisije za izbor i praćenje rada Agencije za prevenciju korupcije i koordinaciju borbe protiv korupcije: Aleksandra Pandurević, predsjedavajuća Komisije, Bariša Čolak, zamjenik predsjedavajuće Komisije, Borjana Krišto, članica Komisije, te Jovica Katić, sekretar Komisije.


POGLAVLJE III. - REZIME

Uz navedene aktivnosti u vezi s inicijativom za rješavanje pitanja trajnog smještaja Agencije, izvještajni period obilježilo je nekoliko bitnih stvari koje su u značajnoj mjeri obilježile rad Komisije u 2015. godini.

1. Izmjenom člana 8. stav (1) svog poslovnika, Komisija je ostvarila uslove za nesmetan rad. Ranijim poslovničkim rješenjem kvorum za rad činilo je sedam članova Komisije, što je u situaciji kada je Komisija djelovala u nepotpunom sastavu usljed provođenja procedure izbora jednog predstavnika akademske zajednice i jednog predstavnika nevladinog sektora za članove ove komisije praktično značilo da sjednici mora prisustvovati svih ostalih sedam članova. Upravo ova poslovnička odredba činila je otežavajuću okolnost zbog činjenice da je Komisija svoju prvu radnu sjednicu održala tek tri mjeseca nakon njenog konstituiranja. Navedenom izmjenom člana 8. stav (1) Poslovnika Komisije kvorum za rad smanjen je sa sedam na pet članova Komisije, čime su stvoreni neophodni uslovi za njen daljnji nesmetan rad.
2. Nakon okončanja procedure predviđene članom 17. b. Zakona, Komisija je s 1.12.2015. kompletirala svoj sastav imenovanjem novih članova - prof. dr. Ivanke Marković, kao predstavnice akademske zajednice, i Anesa Ličine, kao predstavnika nevladinog sektora.
3. Na osnovu zaključka usvojenog na 3. sjednici Komisije, održanoj 23.7.2015., Komisija je pokrenula i Inicijativu za formiranje ogranka Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH. Nakon što je određeni broj klubova poslanika i naroda u PSBiH dostavilo imena i prezimena poslanika i delegata koji su izrazili želju za učešćem u radu GOPAC-ovog ogranka PSBiH, sačinjen je i prijedlog Povelje o osnivanju GOPAC-a u PSBiH, čijim će potpisivanjem od ovog ogranka i formalno biti osnovana ova organizacija u PSBiH.

Jedna od najvažnijih aktivnosti koja se, u skladu s odredbama Zakona o Agenciji za prevenciju korupcije i koordinaciju borbe protiv korupcije, nalazi pred Komisijom u narednom periodu predstavlja provođenje procedure izbora novog rukovodstva Agencije za

prevenciju korupcije i koordinaciju borbe protiv korupcije - direktora i dva zamjenika direktora ove agencije, koji se imenuju na mandat od pet godina.



Dostavljeno:

- naslovu,
- a/a.

POGLAVLJE IV. - PRILOZI

Tabela 1.

Broj i datum održavanja sjednice	Broj razmatranih tačaka dnevnoga reda	Prisustvo članova sjednicama Komisije
Konstituirajuća sjednica 7.4.2015.	1	6 članova
2. sjednica 13.7.2015.	3	7 članova
3. sjednica 23.7.2015.	12	5 članova
4. sjednica 14.9.2015.	7	6 članova
5. sjednica 26.11.2015.	6	5 članova

Tabela 2.

Ime i prezime člana Komisije	Broj i datum održavanja sjednice				
	Konstituirajuća sjednica	2. sjednica	3. sjednica	4. sjednica	5. sjednica
Aleksandra Pandurević	+	+	+	+	+
Bariša Čolak	+	+	- (op)	+	+
Borjana Krišto	+	+	- (op)	- (op)	- (op)
Halid Genjac	+	+	+	+	+
Milenko Obad	+	+	+	+	+
Hanka Vajzović	- (op)	+	+	+	+
Darko Babalj	+	+	+	+	- (op)